

科目名

## 中国学読解

氏名

受験番号

採点欄

次の問題①から③のうち、一つを選んで答えなさい。どれを選んだか○をしなさい。（1・2・3）

① 次の文章に訓点（返り点・送り仮名）を施しなさい。また、全文の内容を解答用紙に

要約しなさい。

王維字摩詰。天寶末、祿山陷两京、明皇出幸、維扈從不及、爲賊所得。維服藥取利、僞稱瘖病。祿山素憐之、遣人迎置洛陽、拘於普施寺、迫以僞命。祿山宴其徒於凝碧宮、其樂乃梨園弟子、教坊工人。維聞之悲惻、潛爲詩曰、萬戸傷心生野烟、百官何日再朝天。秋槐花落空宮裏、凝碧池頭奏管絃。賊平、陷賊官者三等定罪。維以凝碧詩聞于行在、肅宗嘉之、特有之、授太子中允。〔詩話總龜〕

② 次の文章を書き下し文に改め、かつ現代日本語に訳しなさい。

一人而傳於兩史、如後漢之董卓公孫瓚陶謙袁紹劉表袁術呂布等、當陳壽撰三國志時、以諸人皆與曹操並立、且事多與操相涉、故必立傳於魏志、而敘事始明。劉焉乃劉璋之父、其地則昭烈所因也、欲紀昭烈、必先傳璋、欲傳璋必先傳焉、故亦立其傳於蜀志之首。及范蔚宗修後漢書、則董卓等皆漢末之臣、荀彧雖爲操畫策、而心猶爲漢、皆不得因三國志有傳、遂從刪削、所以一人而兩史各有傳也。此事惟晉宋二書界限最清、緣沈約修宋書、以劉毅何無忌諸葛長民魏詠之檀憑之等、雖與劉裕同起義、而志在匡晉、初非宋臣、故不入宋書、及唐初修晉書、遂爲毅等立傳、自無複出之病也。陶潛隱居完節、卒於宋代、故宋書以爲隱逸之首、然潛以家世晉臣、不復仕宋、始終爲晉完人、自應入晉書內、故修晉書者特傳於晉隱逸之末、二史遂並有傳。此宋書之借、而非晉書之奪也。至李延壽作南北史、係一手編纂、則南人歸北、北人歸南者、自可各就其立功最多之處傳之、而其先仕於某國則附見傳內、不必再立一傳於

某國也。乃毛修之自宋流轉入魏、後卒於魏、則但立傳北史可矣、而南史又傳之。朱脩之自宋入魏、後又逃歸、以功封南昌縣侯、則但立傳南史可矣、而北史又傳之。以及薛安都裴叔業等、莫不皆然、何其漫無裁制也。又裴矩在隋朝事蹟甚多、且隋書矩傳內已敘其入唐仕宦之處、則唐書不必再傳矣、而又傳之、亦贅。〔廿二史劄記〕

3 次の文章を書き下し文に改め、その内容を要約しなさい。

孟子一書、只是要正人心、教人存心養性、收其放心。至論仁義禮智、則以惻隱・羞惡・辭讓・是非之心爲之端。論邪說之害、則曰『生於其心、害於其政』。論事君、則曰『格君心之非』、『一正君而國定』。千變萬化、只說從心上來。人能正心、則事無足爲者矣。大學之脩身・齊家・治國・平天下、其本只是正心・誠意而已。心得其正、然後知性之善。故孟子遇人便道性善。歐陽永叔卻言『聖人之教人、性非所先』、可謂誤矣。人性上不可添一物、堯舜所以爲萬世法、亦是率性而已。所謂率性、循天理是也。外邊用計用數、假饒立得功業、只是人欲之私。與聖賢作處、天地懸隔。〔孟子序說〕